

ВЫНСЬӨДӨМА
Коми Республикаса Веськөдлан котырлөн
2020 во лөддза-номъя төлысь 15 лунся 304 №-а шуөмөн
(16 №-а содтөд)

“Нивиккуш” республика төдчанлуна
канму вөр-ва заказник йылысь
ПОЛОЖЕНИЕ

1. Панас

“Нивиккуш” республика төдчанлуна канму вөр-ва заказник (водзö – заказник) артмөдöма “Коми АССР-ын заказникъяс да вөр-ва памятникъяс индöм йылысь” Коми АССР-са Министръяс Сöветлөн 1978 во вöльгым төлысь 30 лунся 484 №-а шуөмөн.

Заказник лоö республика төдчанлуна торйөн ёна видзан вөр-ва мутасөн (водзö – ООПТ) да сылөн эм гидрологическöй (нюрвывса) нырвизь.

ООПТ-лөн тыр ним: “Нивиккуш” республика төдчанлуна канму вөр-ва заказник.

ООПТ-лөн дженъыд ним: “Нивиккуш” заказник.

Заказниксö артмөдöма вына кадколаст урчиттөг да заказниклөн мудоръясын меститчысь му участокъяссö вöдитчысьяслысь, кутысьяслысь да кийн кутысьяслысь босьттөг.

Заказник котыртан да сйöс уджөдан юкöнын канмусянь веськөдлöмыс, заказник видзан да сыөн вöдитчан юкöнын канму дөзьöрыс збыльмөдсö Коми Республикаса Веськөдлан котырөн уполномочитöм Коми Республикаса олөмө пöртысь власьт органөн да (либö) сылөн ведомствоувса канму учреждениеөн, кодлы сетöма лöсялана уджмогъяссö (водзö – заказникөн веськөдлысь орган).

2. Заказник артмөдан медшөр могъяс да сылөн могъяс

2.1. Заказниксö артмөдöма сы могысь, медым видзны нюрсö, мый ёнджыкасö пырö вылыс сикаса нюръяс лыдö.

2.2. Заказниклөн шөр могъяс:

видзны экологическöй öтвесьталунсö;

видзны ландшафтнöй да биологическöй унапöлöслунсö, сы лыдын быдмөгъяслысь шоча паныдасылысь сикасьяслысь быдманінъяссö;

видзны ва экосистемаяслысь гидрологическöй режимсö;

туявны вөр-ва комплексъясын ывлавывса процессъяссö да видзöдны экосистемаяслөн серпас вежсьöм бöрся.

3. Заказниклөн меститчанін да площадь

3.1. Заказник меститчö “Кöрткерöс” муниципальнöй районса

муниципальной юкөнлөн мутасын Пөдтыбок скп-сянь 9 км асыв-войвывланы, Шойнатыса лесничестволөн Пөддельнойса участковой лесничестволөн 75-81, 94, 95 квартальяслөн мудорьясын.

Заказник меститчанінлысь карта-схемасө вайөдöма тайö Положение дорö 1 содтöдын* .

3.2. Заказник мутаслөн площадьыс лоö 1380 га.

* Оз йөзөдсы.

4. Заказниклөн мудорьяс

4.1. Заказниклөн мудорыс мунö Шойнатыса лесничестволөн Пөддельнойса участковой лесничестволөн 79 кварталса 11 выделлөн рытив-войвыв помсянь 79 кварталса 11 выделлөн войвыв мудорті, 80 кварталса 19 выделлөн рытиввыв да войвыв мудорьясті, 81 кварталса 22 выделлөн асыввыв мудорті, 80 кварталса 13 выделлөн лунвыв, рытиввыв да войвыв мудорьясті, 81 кварталса 23 выделлөн войвыв, асыввыв да лунвыв мудорьясті, 80 кварталса 19, 27 выдельяслөн асыввыв мудорьясті, 80 кварталса 22 выделлөн лунвыв мудорті, 81 кварталса 49 выделлөн войвыв да асыввыв мудорьясті, 95 кварталса 1 выделлөн асыввыв да лунвыв мудорьясті, 94 кварталса 5 выделлөн лунвыв да рытиввыв мудорті, 80 кварталса 19 выделлөн рытиввыв мудорті, 79 кварталса 11 выделлөн лунвыв да рытиввыв мудорьясті петан чутөдз.

Заказниклөн мутасө сіджө тырвийö пырöны Шойнатыса лесничестволөн Пөддельнойса участковой лесничестволөн 79 кварталса 23, 24 выдельяс да 94 кварталса 6-8 выдельяс.

4.2. Заказниклысь мудорьяссö петкөдлöма карта-схема вылын тайö Положение дорö 2 содтöдын* .

* Оз йөзөдсы.

5. Заказниклөн мудорьясын меститчысь видзан вөр-ва комплексьяс да налөн компонентьяс

Заказниклөн видзан вөр-ва комплексыс – тайö нюрлөн система, мый артмö откымын массивысь, кутшöмьяс ёнджыкасö лоöны вылыс сикасаён. Нюр дорын быдмö обыкновенной пожом (*Pinus sylvestris*). Нюр дорын быдмöны өтия-өтия сибирса слаб козьяс (*Picea obovata*) да өтия-өтия пашкыр слаб кызьяс (*Betula pubescens*). Нюр дорьясын микрорельефыс вутшка, вутшка-зыбуч. Быдмөгьяслысь веркөссö ёнджыкасö артмөдöны сфагновой нитшьяс да нюрывса кустьяс: нюрывса момга турун (*Chamaedaphne calyculata*), керч (*Ledum palustre*), ляк кыз (*Betula nana*),

обыкновенной чодлач (*Vaccinium uliginosum*), пув (*Vaccinium vitisidaea*), чод (*Vaccinium myrtillus*), кузьмөс корья подбел (*Andromeda polifolia*), обоеполой понпир (*Empetrum hermaphroditum*), гогрөс турипув (*Oxycoccus palustris*) да кузьмөс турипув (*Oxycoccus microcarpus*). Джуджыдиньясын турунъяс пиысь уна быдмө влагалищой гонаюр *Eriophorum vaginatum*) либө мырпом (*Rubus chamaemorus*), а эшкын вылын да гыбадьясин – бутыльчатой эжөр (*Carex rostrata*). Нюр шөрланьыс вутшка, вутшка-гыбад учасокьясыс вежсьоны мусюр-йонода комплексьясөн, мыйяс босьтоны системалөн площадьыс 70 %-ыс унджык. Пу яруссыс петкодчө слаба, обыкновенной пожом пуясыс слабось да быдмөны сөмын джуджыджыкиньясын. Мусюрьясын паськалөмаось куста-нитшка да куста-мырпома-нитшка фитоценозьяс, кони медуна паныдасьлоны мырпомлөн да рудовгөрд нюр нитшлөн (*Sphagnum fuscum*) сийө жө кустьясыс, кутшөмьяс быдмөны нюр дорын. Йонодьясыс васөдось, сәти сьөкыд мунны, тшөкыда сәни пукалө ва. Быдмөгьяссө петкодлөма фитоценозьясөн, гежөд турун яруса да балтийской нюр нитшкыс нитшлөн отувья эшкынөн. Мукөдсьыс тшөкыдджыка доминатөн лоө нюрвывса шейхцерия (*Scheuchzeria palustris*). Фитоценозьясыс, кони медуна быдмө зыбуч эжөр (*Chamaedaphne calyculata*) да гөрдөв гонаюр (*Eriophorum russeolum*), паныдасьлоны гежөдджыка, пырджык тайө сикасьясыс оз уна быдмыны. Йонодьясын казтыштөм сикасьяс кындзи пасйөма англияса лысва турун (*Drosera anglica*), гөгөрөс турипув, влагалищной гонаюр да мукөд. Эти сикас – чутось мөсняк турун (*Dactylorhiza maculata*) – пыртөма Звер-пөткәлөн лыддьөгө (списокө), кодьяслөн вөр-ваын олөм бөрся колө торйөн видзөдны да кодьясөс вөзйөма босьтны биология боксянь дөзьөр улө, мый вынсьөдөма Коми Республикаса вөр-ва озырлун да гөгөртас видзан министерстволөн 2019 во рака төлысь 27 лунся 498 №-а тшөктөдөн (3 №-а содтөд).

6. Заказник торйөн өна видзан режим

6.1. Заказниклөн мутасын оз позь вөчны овмөс нуөдан да мукөд удж, мый вөсна вермас торксьыны экосистемалөн дзоньлуныс, сы лыдын:

- 1) капитальнөя стрөитан объектьяс стрөитөм;
- 2) линейной объектьяс стрөитөм, тайө Положениелөн 6.2 пунктын индөм случайяс кындзи;
- 3) абу капитальной стрөйбаяс да сооружениеяс стрөитөм, заказниклысь уджалөмсө могмөдөм могысь стрөитөм кындзи;
- 4) пуяс да кустьяс кералөм да механической жугөдөм (виччысьтөм да аварийной ситуацияяс кындзи);
- 5) абу пуа вөр ресурсьяс, вөрсә сөян-юан да бурдөдан быдмөгьяс заптөм да чукөртөм, индөм ресурсьяссө да быдмөгьяссө гражданаөн асланыс могьяс вылө заптөм да чукөртөм кындзи;
- 6) прөмыслөвөя кыйсьөм;
- 7) муяс бурмөдөм;

8) химия препаратъяс да мувердас видзём да наён вөдитчём;

9) туйясысь, кутшөмъяс эмось, да торйөн индём местаясысь бокин механизируйтём транспортлөн ветлём да сулалём (заказник видзём серти мероприятиеяс, а сідзжө заказник мудорьясын меститчём вөр-ва комплексъяс да налысь компонентъяс видзём да бөр лөсьөдём серти мероприятиеяс нуөдөмкөд йитчём случайяс кындзи), механической транспорт средствояс кындзи, кодъяс ветлөдлөны да сулалөны төвнас, кор усьома лым сэк, кор оз лэдзны му эжөд, быдмөгъяс да вөр пуктасъяс жугөдөмсө;

10) туясян (корсысян, геофизической, геологоразведочной) уджъяс, муывса механизируйтём средствоясөн вөдитчөмкөд да му эжөд да быдмөгъяс торкалөмкөд абу йитчём уджъяс кындзи;

11) мупытшса озырлун, сы лыдын трунда, корсьөм да перйөм;

12) заказниклысь мутас ёгөсьтөм да нйитчөдөм, а сідзжө производство да потребление шыбласъяс меститөм (видзём да гуалөм), ортсө лэдзан ва нуөдөм;

13) геологической, ботанической, зоологической да мукөд коллекция чукөртөм, наука-туялан могъясын найөс чукөртөм кындзи заказникөн веськөдлан органкөд сөгласуйтөмөн;

14) му эжөд да быдмөгъяс торкалөм, вөчны позяна удж сикасъяс збыльмөдан случайяс кындзи;

15) позъяс жугөдөм;

16) аншлагъяс, шлагбаумъяс, стендъяс, мудор петкөдлысь сюръяс, мукөд юөртан пас да индалысь, экологической ордымъясса да шойччан местаясса оборудование бырөдөм да торкөм, пуяс вылын гижалөм да пасъяс вөчөм.

6.2. Заказниклөн мутасын позьө:

1) нуөдны наука-туялан уджъяс заказникөн веськөдлысь органкөд сөгласуйтөмөн;

2) кыйсыны любительскөя да спортивнөя оланпастэчасөн урчитөм пөрадокын;

3) котыртны да нуөдны вөр овмөс да нуөдны вөрьясын пөжарысь да санитарной боксянь видзчысьөмсө могмөдөм серти мероприятиеяс вөр йитөдъяс ладмөдан юкөнын оланпастэчасөн урчитөм пөрадокын тайө Положениелөн 6.1 пунктса корөмъяс төд вылө босьтөмөн;

4) стрөитны, выльмөдны, уджөдны линейной объектъяс сэк, кор найөс меститны мөд позянлуныс абу, а сідзжө заказник уджөдөмсө могмөдөм могысь, заказникөн веськөдлан органкөд сөгласуйтөмөн;

5) капиталнөя дзоньтавны линейной объектъяс заказникөн веськөдлан органкөд сөгласуйтөмөн;

6) овмөс да мукөд удж нуөдан мөд сикасъяс, мыйысь абу өлөдөма вөр-ваён вөдитчан да гөгөртас видзан юкөнын оланпастэчасөн да тайө Положениеён, оланпастэчасөн урчитөм пөрадокын.

7. Бӱртас

7.1. Заказниксӧ, сы лыдын сылӧн мутасын меститчысь вӱр-ва комплексъяссӧ да налысь компонентъяссӧ, видзӧны вӱр-ваӧн вӧдитчан да гӱгӱртас видзан юкӧнын оланпастӧчас серти.

7.2. Заказниклӧн вӱр-ва комплексъяслы да налӧн компонентъяслы лектор вӧчан грӱз артмӧм дырйи сылӧн мутасын вӧчны позяна удж сикасьяссӧ дзескӧдӧны, недыр кад кезлӧ дугӧдӧны либӧ дугӧдӧны оланпастӧчасӧн урчитӧм пӱрадокын.

7.3. Заказниклысь мутассӧ места вылын индӧны ӧлӧдан да юӱртан пасьяс сувтӧдӧмӧн, а сӱдзжӧ торйӧдӧны тематическӧй картография материалъяс вылын.

7.4. Заказниклӧн вӱр-ва комплексъяслы либӧ налӧн компонентъяслы вӧчӧм лекторсӧ колӧ вештыны Россия Федерацияса оланпастӧчас серти.

7.5. Йӱзӧс, кодъяс мыжаӧсь заказник торйӧн ӧна видзан урчитӧм режим торкӧмын, кыскӧны кывкутӧмӧ Россия Федерацияса оланпастӧчас серти.

7.6. Заказник торйӧн ӧна видзан урчитӧм режимлӧн уджалӧм да сӱйӧс могмӧдӧм серти мероприятиеяс збыльмӧдсьӧны Коми Республикаса республиканскӧй сьӧмкуд сьӧм да оланпастӧчасӧн абу ӧлӧдӧм мукӧд ӧшмӧс тшӧт весьтӧ.

Пасйӧд. Меститчанӱнсӧ да мудоръяссӧ опишитӧма Шойнатыса лесничестволӧн 2013 вося вӱр овмӧс котыртан да нуӧдан материалъяс тӧд вылӧ босьтӧмӧн.